

ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ  
«ՎԱՆԱԶՈՐԻ ՀՈՎՀ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄ

ՈւՍՈՒՄՆԱԿԱՆ ՊՐԱԿՏԻԿԱՅԻ ԾՐԱԳԻՐ

ՍՈՑԻԱԼԱԿԱՆ ՄԱՆԿԱՎԱՐԺՈՒԹՅՈՒՆ  
(Ուսումնական առարկայի անվանումը)

Մասնագիտություն/ուղղություն	«Սոցիալական մանկավարժություն»
Ֆակուլտետ	Հասարակական գիտությունների
Որակավորումը	մանկավարժության բակալավր
Ուսուցման ձևը	հեռակա
Կուրս	3-րդ

ՎԱՆԱԶՈՐ

2023թ.

*Պրակտիկայի անցկացման վայրը՝ դպրոց*

Պրակտիկայի ընթացակարգը՝ 1-ին կիսամյակ, տևողությունը՝ 5 օր.

### **1. Պրակտիկայի նպատակը՝**

**Ուսումնական պրակտիկայի նպատակն** է նպաստել ուսանողի մասնագիտական գործունեության ակտիվացմանը, ձեռք բերել մասնագիտական հմտություններ, կարողություններ, ձևավորել համակարգված մոտեցում մասնագիտության և մանկավարժական գործունեության նկատմամբ, ծանոթանալ հաստատության կառուցվածքին, գործառույթներին, սոցիալական մանկավարժի աշխատանքային գործառույթներին և փաստաթղթերին:

### **2. Պրակտիկայի խնդիրները՝**

1. Մշակել սոցիալ-մանկավարժական իրադրությունները ճշգրիտ վերլուծելու կարողություններ
2. Ծանոթանալ կրթադաստիարակչական ուսումնական ծրագրերին, մանկավարժահոգեբանական աջակցող թիմի աշխատանքային գործունեությանը
3. Նպաստել ուսումնասիրելու արհեստավարժ մասնագետների փորձը

### **3. Պրակտիկանտ-ուսանողներին ներկայացվող պահանջների բովանդակությունը**

Ուսանողը պարտավոր է Վանաձորի թիվ 6 հիմնական դպրոցում ուսումնասիրել.

- ✓ պրակտիկայի ընթացքում խորացնել և ամրապնդել մասնագիտական գիտելիքները,
- ✓ ձևավորել սոցիալական մանկավարժի մասնագիտական կարողություններն ու հմտությունները,
- ✓ կարողանալ համագործակցել մյուս մասնագետների հետ,
- ✓ ձգտել ինքնահաստատվելու, ինքնարտահայտվելու համար,
- ✓ հաստատությունից վերցնել օգտակարն ու հարստացնել մասնագիտական փորձը:

#### **3.1. Պրակտիկայի մասնակիցների պարտականությունները**

##### **Պրակտիկայի ղեկավարը**

- ընտրում է պրակտիկայի անցկացման հենակետերը, ապահովում է պրակտիկայի անցկացման պայմանները,
- անցկացնում է սկզբնական խորհրդատվություն՝ իսկ պրակտիկայի ավարտին՝ արդյունքների ամփոփում,
- կազմակերպում է ուսանողների աշխատանքը,
- վերահսկում է ուսանողների աշխատանքը, ձեռնարկում է միջոցներ՝ պրակտիկայի կազմակերպման թերությունները վերացնելու ուղղությամբ,
- անցկացնում է խորհրդատվություններ, օգնում է մանկավարժական հիմնախնդիրների լուծմանը,

- գնահատում է ուսանող-պրակտիկանտի աշխատանքը:

- 

### **3.2. Հիմնարկությունների աշխատակիցները (պրակտիկայի ղեկավարները տեղերում)**

- ստեղծում են պայմաններ՝ պրակտիկայի անցկացման համար,
- անցկացնում են խորհրդատվություններ, օգնում են սոցիալ-մանկավարժական խնդիրների լուծմանը,
- վերահսկում են ուսանողների կողմից պրակտիկայի ծրագրի սոցիալ-հոգեբանական շրջափուլի կատարումը,
- բացատրում են ուսանողներին սոցիալական մանկավարժի մասնագիտական պարտականությունները, տվյալ հաստատության գործունեության առանձնահատկությունները, ծանոթացնում են սոցիալական միկրոմիջավայրին,
- գնահատում են ուսանողի աշխատանքը:

### **3.3. Ուսանողը պրակտիկայի ընթացքում.**

- գտնվում է տվյալ հաստատությունում օրական 6 ժամ,
- պահպանում է տվյալ հաստատությունում աշխատանքային կարգապահությունը,
- հետևում է բոլոր նախանշված միջոցառումներին և խորհրդատվություններին,
- մշակում է պրակտիկայի իր անհատական պլանը, ներկայացնում է այն ղեկավարին՝ հաստատման,
- աշխատում է համաձայն հաստատված պլանի, ժամանակին ներկայացնում է հաշվետվություն (գրավոր և բանավոր),
- ներկայացնում է իր առաջարկները՝ պրակտիկայի կազմակերպման վերաբերյալ:

## **4. Կումպետենցիաների ցանկ**

### **Գործիքային կումպետենցիաներ (ԳԿ)**

- ԳԿ1 վերլուծելու և սինթեզելու ունակություն,
- ԳԿ2 կազմակերպելու և պլանավորելու ունակություն,
- ԳԿ10 որոշումների ընդունում:

### **Միջանձնային կումպետենցիաներ (ՄՁԿ)**

- ՄՁԿ1 քննադատական վերլուծության և ինքնաքննադատման ունակություն,
- ՄՁԿ2 թիմային աշխատանք,
- ՄՁԿ3 միջանձնային ունակություններ,

### **Համակարգային կումպետենցիաներ (ՀԳԿ)**

- ՀԳԿ3 սովորելու ունակություն,

ՀԳԿ5 նոր գաղափարներ առաջ քաշելու (ստեղծագործելու) ունակություն,

ՀԳԿ11 որակի կարևորության գիտակցում,

***Առարկայական (մասնագիտական) կոմպետենցիաներ (ԱԿ)***

ԱԿ4 ցուցաբերել առարկայի ընդհանուր կառուցվածքի և առանձին մասերի միջև կապերի իմացություն,

ԱԿ12 ունակ լինեն ուրույն, թեկուզ և փոքր ներդրում կատարելու

***5. Անհրաժեշտ փաստաթղթերն են՝***

✚ Հաշվետվություն

✚ աշխատանքի պլան,

✚ թղթապանակ:

***6. Պրակտիկայի գնահատումը.***

Ուսումնական պրակտիկայի գնահատման ձևը ստուգարքն է, իսկ պրակտիկայի գնահատականը հանդիսանում է ուսանողի ընդհանուր առաջադիմության բաղկացուցիչ մասը:

***7. Հաշվետվական թղթաբանություն***

Ուսումնական պրակտիկայի հաշվետվություն, պրակտիկայի գնահատականի և նրա բովանդակության մասին հաշվետվություն: